

**ՏՆՏԵՍԱԿԱՆ ԶԱՂԱՔԱԿԱՆՈՒԹՅԱՆ ՄԵԿՆԱԲԱՆՄԱՆ ՀՈՒՐՋ**

Տնտեսական քաղաքականության երևույթն ինքնին բացառիկ է:

Քաղաքականությունն ու տնտեսությունը ամբաժան են մարդկության պատմությունից: Իրենց փոխկապակցվածության մեջ դրանք քաղաքակրթության ուղեկիցներն են:

Հասարակության համատեղ ապրելակերպը ըմբանում է հակասական զարգացումներով: Հասարակությունը բաժանվում է տարբեր փոքր և մեծ խմբերի, սոցիալական կլաստերների կամ դասակարգերի, որոնք յուրովի են իրենց աշխարհայացքներում, ապագայի նկատմամբ ակնկալումներով ու գնահատականներով, իրենց հետաքրքրություններով և ռեսուրսների բաժանման մոտեցումներով: Արդյունքում, առաջանում են հակասություններ, որոնց խաղաղ և ընդհանուր հետաքրքրությունները բավարարող լուծումները, հետևելն ու համաձայնվելը դառնում է անհրաժեշտություն: Վերջինս հանգեցնում է կարգավորման պարադիգմային՝ տնտեսական քաղաքականության մշակմանն ու կիրառմանը:

Տնտեսական քաղաքականության վերաբերյալ սահմանումներն ու մոտեցումները բազմաթիվ են:

18-19-րդ դարերում դասական տնտեսագետների կողմից «տնտեսական քաղաքականությունը» ընկալվում էր ազգային տնտեսության տեսակետից և անվանվում քաղաքական տնտեսագիտություն (Political Economy): Նույնիսկ անգլիական դասական տնտեսագետներ Ադամ Սմիթը, Դավիդ Ռիկարդոն, Ջոն Սիլը, Ուլյամ Ջեվոնսը և ուրիշներ, այս բառակապակցությունը օգտագործում են որպես իրենց աշխատությունների վերնագրեր:

Ի տարբերություն անգլիացիների՝ գերմանական տնտեսագետների մոտ նկատելի է քաղաքական տնտեսագիտության փաստացի օբյեկտի՝ մեկ ազգի բարեկեցության էության ուսումնասիրումը:

Դասական տնտեսագիտությունից տնտեսական քաղաքականության անցման առաջին մոտեցումը վերագրվում է Կարլ Մարքսին, որը փորձում է տնտեսագիտության հիմնական հարցի՝ հասարակության բարեկեցության բարձրացումը բնարկել և դրա լուծումը գտնել քաղաքական հեղափոխական հեղաշրջումների կիրառմամբ<sup>1</sup>:

Վերջին հարյուրամյակում, հատկապես տնտեսական, քաղաքական ճգնաժամերի «ազդեցությամբ» քաղաքական տնտեսագիտությունը վերածվում է «նոր քաղաքատնտեսության»: Քաղաքականության տնտեսական տեսանկյունը ստանում է գործիքային և ընդհանուր հիմնախնդրի մի հատվածի բնութագրման նշանակություն:

1960-ականների սկզբին եվրոպական և հատկապես գերմանական տնտեսագիտական գրականությունում և հետազոտություններում նախ հատակեցվում են քաղաքականությունն ու տնտեսությունը և այնուհետև տրվում դրա ինտեգրալային ձևակերպումը<sup>2</sup>:

Այսպես. «Քաղաքականությունը հասարակության բոլոր անդամների կողմից բախումների միավորված կարգավորման է»<sup>3</sup>:

Հետաքրքրական է Մաքս Վեբերի մոտեցումը՝ ինչ ենք հասկանում քաղաքականություն ասելով: Մեծ գիտնականը գտնում է, որ դա լայն հասկացություն է, որն ընդգրկում է ինքնուրույն ղեկավարման, գործունեության բոլոր ձևերը: Ներկայացնելով կառավարման, պետության կամ քաղաքական ուժի ազդեցության իր մոտեցումները՝ նա սահմանում է. «Քաղաքականությունը ձգտումն է դեպի իշխանության մասնակցությունը կամ դրա բաշխման վրա ազդեցությունը՝ լինի դա երկրների միջև, թե երկրի ներսում, թե մարդկային խմբերի միջև»<sup>4</sup>:

Բնական է, որ ձևակերպումը առաջ է բերում երեք հիմնահարցեր.

- Ո՞վ պետք է կարգավորի հասարակության մեջ առաջացած հակասությունները: Ակնհայտ է, որ հակասություն կարգավորողը պետք է ունենա քաղաքական իշխանություն և հիմնարար հարց է. ինչպե՞ս պետք է տրվի իշխանությունը:
- Ինչպե՞ս պետք է իրականացվի այդ իշխանությունը: Կարևորվում է բոլորի կողմից «խաղի կանոններին» հետևելը:
- Ինչպե՞ս պետք է վերահսկվի այդ իշխանությունը:

Միա այս երեք կարևորագույն հարցերի պատասխանը հանգեցնում է ընդհանուր համակարգի քաղաքական կառավարման հայեցակարգի ձևավորման անհրաժեշտությանը: Մնում է տնտեսագիտության հասկացությունը:

Այսպես. տնտեսագիտությունը սահմանափակ ռեսուրսների պայմաններում ապրանքների և ծառայությունների արտադրությունն է և վերաբաշխումը:

<sup>1</sup> Ramb. B-T. Grundlagen der Wirtschaftspolitik. Munchen. 1987. s.1-11.

<sup>2</sup> Shu. Giersch. H., Allgemeine Wirtschaftspolitik: Grundlagen, Wisbaden, 1961. Eucken W. Grundsätze der Wirtschaftspolitik. Tübingen. 1968., Kirschen E. International vergleichende Wirtschaftspolitik-Versuch eine empirische Grundlegung. Berlin 1967. Korner H. Theoretische Grundlagen der Wirtschaftspolitik. Koeln. 1977.

<sup>3</sup> Bohling W., Masberg D. Lexikon Wirtschaftspolitik. Die Institutionen, Munchen 1986. Rohc K. Art. „Politikbegriffe“, in: Mickel W. in Verbindung mit Yitylaff, D. handlexikon der Politikwissenschaft, Munchen 1983.. Hermann A., Wirtschaftspolitik und Regierungssystem der Bundesrepublik Deutschland : eine Einföhrung: Opladen: Leske + Budrich, 1995. Weimann J.

Wirtschaftspolitik: Allokation und kollektiv Entscheidungen, Springer 1996.

<sup>4</sup> Макс Вебер. Политика как призвание и профессия. <http://ru.wikipedia.org/wiki>.

Ավանդաբար այն ընդգրկում է երեք հիմնահարցեր.

- կոորդինացման ինչպես է արտադրվի,
- կազմակերպչական ինչպես արտադրվի,
- բաշխման ինչպես վերաբաշխվեն ապրանքներն ու ծառայությունները:

Նշված հիմնահարցերը հասարակության էվոլյուցիայի ընթացքում բովանդակությամբ վերափոխվել են, հարմարվել տվյալ ժամանակահատվածի պայմաններին:

1950-ական և հատկապես 1970-80-ական թթ.-ից տարբեր փիլիսոփայական դպրոցների և ուղղությունների դիտարկումից սկսում են ձևավորվել տնտեսական քաղաքականության բացատրության նոր մոտեցումներ:

Վերջին տասնամյակներում տնտեսական քաղաքականության շրջանակներում տեղի են ունենում ակտիվ քննարկումներ հատկապես բաշխման հիմնախնդրի շուրջ՝ ձևավորելով դրա բառակապակցությունը և համապատասխան տնտեսական համակարգերի տարբերության մեկնաբանման մոտեցումները: Ընդ որում, այստեղ նույնպես լայն քննադատության է արժանանում կիրառվող տնտեսական քաղաքականության տեսությունների և պրակտիկ փորձի արդյունքների միջև առկա հիմնարար տարբերությունը:

Տնտեսական քաղաքականության այսօրվա մեկնությունների մասին կարող է պատկերացում տալ ստորև բերվող գրականության համառոտ տեսությունը:

Տնտեսական քաղաքականության գերմանական առաջին տեսաբաններից Գիերշը սահմանում է. «Տնտեսական քաղաքականությունը ձգտումների, գործողությունների և միջոցառումների ընդհանրությունն է, որոնք նպատակաուղղված են տնտեսության մեկ ճյուղի կամ ուղղության կարգավորմանը, դրա վրա ազդեցությանը կամ անմիջական որոշակիացմանը»<sup>1</sup>:


Կամ՝ «Տնտեսական քաղաքականությունը նշանակում է հստակ նպատակներին հասնելու համար որոշակի միջոցների փոփոխություն»<sup>2</sup>:

Գերմանացի ժամանակակից հասարակագետ Հերման Ադամը ամբողջացնում է. տնտեսական քաղաքականությունը քաղաքական միջոցառումների ամբողջությունն է, որն ազդեցություն է բողոքում սահմանափակ ռեսուրսների պայմաններում ապրանքների և ծառայությունների արտադրության ու վերաբաշխման վրա<sup>3</sup>:

Յուրգեն Դոնգեսը և Անդրեաս Ֆրեյտադը նշում են. անհնար է տնտեսական քաղաքականության քննարկման ժամանակ այն չդիտարկել ընդհանուր քաղաքականության համատեքստում, ընդ որում, ինչպես ազգային, այնպես էլ միջազգային<sup>4</sup>:

Ինքը, տնտեսական քաղաքականությունը ամբողջացնում է տեսականը և կիրառականը: Տեսական մասով այն ընդհանուր տնտեսագիտության, իսկ կիրառական մասով՝ քաղաքականության, հասարակագիտության մասն է:

Ներկայիս գերմանական սոցիալական համակարգի բարեփոխող Բերտ Ռուրպը հստակեցնում է տնտեսագիտության և քաղաքականության տեղը ընդհանուր հասարակական գիտությունների համակարգում, իսկ Հանս Ռուդոլֆ Պետերսը զարգացնում է այն և տնտեսագիտության ու քաղաքականության միասնականությունը ներկայացնում գծապատկեր 1-ի միջոցով<sup>5</sup>:



Գծապատկեր 1. Տնտեսական քաղաքականության միասնական գծապատկերը ըստ Պետերսի

<sup>1</sup> Giersch H., Allgemeine Wirtschaftspolitik: Grundlagen, Wiesbaden, 1961.

<sup>2</sup> Tinbergen J. Wirtschaftspolitik. Freiburg, 1968.

<sup>3</sup> Hermann A., Wirtschaftspolitik und Regierungssystem der Bundesrepublik Deutschland: eine Einführung.-Opladen: Leske + Budrich, 1995. s.16-19.

<sup>4</sup> Dongs J., Freyad A. Allgemeine Wirtschaftspolitik: Lucius und Lucius, 2001. s.1-11.

<sup>5</sup> Peters Hans-Rudolf. Wirtschaftspolitik: Munchen, Wien, 2000. s.3-13, Rurup Bert, Wirtschaftslexikon.

Հստակ է քաղաքականության տնտեսականացումը և հակառակը: Արդյունքում՝ ձևավորվող տնտեսական քաղաքականությունը իր ուրույն և կարևորագույն դերակատարությունն ունի հիմնական քաղաքական որոշումներում՝ հատկապես ազգային անվտանգության, բնապահպանության, կրթության և հասարակության համար խիստ կարևոր այլ ոլորտներում: Փայլուն օրինակ է Եվրոպական Միությունը: Վերջինիս էվոլյուցիոն կայացման և ընդլայնման որոշումների քաղաքական նպատակներն են. Եվրոպայում ընդհանուր խաղաղության հաստատում, անվտանգության ապահովում, շրջակա միջավայրի պահպանման գլոբալ հիմնախնդիրների համատեղ լուծում, կրթական նոր համակարգերի կիրառում և ինտեգրում և այլն: Սակայն քաղաքական ինտեգրացիան անհնար է տարանջատել սոցիալ-տնտեսականից: Ձևավորված կարգավորման սկզբունքները ազատ մրցակցային դաշտի ստեղծման, ձեռնարկատիրության ձևավորման ու զարգացման ուղղություններով, ինչպես նաև կառուցվածքային, արտաքին տնտեսական, շուկայի կարգավորման, ֆինանսավարկային, ագրարային և այլ քաղաքականությունների կիրառումը հետևում կամ նախորդում են տարբեր քաղաքական քննարկումներին և որոշումներին:

Կամ՝ համաշխարհային համայնքի կամ մի քանի երկրների կողմից այս կամ այն երկրի նկատմամբ կիրառվող տնտեսական շրջափակումներն ու տարբեր արգելափակող միջոցառումները նույնպես քաղաքական որոշումների արդյունք են:

Առկա է նաև հակառակ միտումը: Ձեռնարկությունների կողմից արտաքին միջավայրի աղտոտումը, տնտեսության կայուն զարգացման ապահովումը բնականորեն հանգեցնում են քաղաքական նոր միավորների ձևավորմանը: Այդ է վկայում, այսպես կոչված, կանաչների ակտիվացումը քաղաքական դաշտում, որոնց «ագրեսիվ» քաղաքականության արդյունքում վերջին տասնամյակներում հատկապես եվրոպական տարածքում բնապահպանությունն առաջնային տեղ է գրավում ընդհանուր քաղաքականության մեջ:

Այս համառոտ օրինակները հստակեցնում են քաղաքականության և տնտեսության միասնականությունը: Սակայն, ինչպես նկատում են Դոնգեսը և Ֆրեյտագը, հստակ չէ նաև որևիցե մեկի նախապատվությունը կամ առաջնայնությունը, կամ նույնիսկ դրանց նպատակների կոմպլեքսնությունն ու բախումնաբանությունը<sup>1</sup>:

Բնական է, որ տնտեսության տարբեր ուղղություններով զարգացման հայեցակարգերը այս կամ այն կերպ ընդգրկված են իշխող և ընդդիմադիր քաղաքական կուսակցությունների տնտեսական պլատֆորմներում, և հակառակը: Այստեղից հետևում է պետության և կառավարության կարևորագույն դերակատարությունը և պատասխանատվությունը վերը շարադրված հիմնահարցերի նկատմամբ որոշումների ընդունման գործընթացներում: Ընդ որում, քաղաքական ուժի համար կարևորվում է.

- իրեն վերապահել բոլոր որոշումները՝ ի՞նչ պետք է արտադրվի կամ մատուցվի,
- ցանկանալ՝ է՞նա միայն մի մասով մասնակցել տնտեսական, քաղաքական որոշումների կայացմանը, թե՞ ընդգրկել այլ համախոհ կուսակցություններ,
- կամ, միայն խաղի կանոնները հստակեցնել, իսկ որոշումները իրենք իրենց պատասխանատվությամբ կարող են քաղաքացիներն ընդունել:

Ամեն դեպքում, ո՞րն է տնտեսական քաղաքականության նպատակը, ինչպե՞ս պետք է գնահատվի կիրառվող կամ վարվող տնտեսական քաղաքականության արդյունավետությունը, ինչպիսի՞ մեխանիզմներ են ենթադրվում կիրառելու արդյունավետ տնտեսական քաղաքականություն վարելու համար, ովքե՞ր են դերակատարները, ինչպիսի՞ ուղղություններ են առաջնային՝ ժամանակի տվյալ պահին կամ ապագայի կտրվածքով և այլն:

Հարցերի այս ամբողջության պատասխանները կհստակեցնեն տնտեսական քաղաքականության էությունը, նպատակները և առաքելությունը:

Տնտեսական քաղաքականությանը բնորոշ է կողմնորոշվածությունը դեպի հստակ նպատակների խումբը և դրանց միջև բախումներին համապատասխան լուծումների առաջարկումը: Վերջինս բնական է, քանի որ հակադարձվում են տարբեր նպատակներ և դրանց հասնելուն նպատակաուղղված քաղաքականություններ: Ինչպես, օրինակ, ՀՀ ԿԲ-ի կողմից կիրառվող կայուն զգնեի պահպանման և դրամի արժեւորման քաղաքականությունների հակասությունը և տրված գնահատականները:

Սակայն կարևորագույն նպատակը մեկն է՝ հասարակության բոլոր անդամների բարեկեցության բարելավումը: Ադամ Սմիթը առաջիններից է, որ հարցադրում է, թե «ինչպես կարելի է բարձրացնել ժողովրդի ու պետության բարեկեցությունը և հարստությունը»<sup>2</sup>:

Բարեկեցության բարձրացումը նպատակաուղղված է հասարակության ցանկացած տարրին և նշանակում է բոլորի համատեղ մասնակցությունը տնտեսաքաղաքական որոշումների ընդունման գործընթացներին: Ցանկացածն իրավունք ունի պաշտպանելու իր հետաքրքրություններն ու ունեցվածքը և ազդելու հասարակության վերաբերյալ կայացվող ցանկացած որոշման վրա: Ըստ Դոնգեսի, Ֆրեյտագի, Նոնիլերի և Նուշլերի՝ սա հատուկ է պլուրալիստական հասարակությանը և, բնական է, որ հիմնարար խնդիր է մնում ժողովրդավարական սկզբունքներով և ոճով հասարակության տարբեր խմբերի հետաքրքրությունների առաջ քաշումը կամ ներկայացումը և համապատասխան որոշումների ընդունումը:

Առաջինները, նշելով հասարակության բարձր բարեկեցությունը որպես առաջնային և կարևորագույն նպատակ, կարևորում են նաև դրան հասնելու հետևյալ ենթանպատակների անհրաժեշտությունը.

- յուրաքանչյուրի նյութական ազատության բարձրացում: Խոսքը ոչ թե ֆորմալ ազատության մասին է, այլ նյութական անկախության, օրինակ, պետության անտարբերությունը իր քաղաքացիների նկատմամբ:
- յուրաքանչյուրի ապագայի ապահովության, անվտանգության հիմնավորում: Խնդիրը տնտեսական աճի, կենսապայմանների բարելավման հետ զուգահեռ՝ պետության կողմից սոցիալական իմսոխտությունների


<sup>1</sup> Donges J., Freytag A. Allgemeine Wirtschaftspolitik: Lucius und Lucius, 2001. s.1-11.

<sup>2</sup> A.Smith., Der Wohlstand der Nationen, Munchen. 1978.

կայացումն է, ամրապնդումը և դրանց դերակատարության կարևորության բարձրացումը<sup>1</sup>:

- յուրաքանչյուրի սոցիալական կարգավիճակի բացարձակ բարձրացում (եկամուտներ, կրթություն, մասնագիտական գործունեության սոցիալական բարձր գնահատական, կոմպետենտություն և հարգանք),
- սոցիալական արդարություն և օրենքի գերակայություն: Այստեղ նկատի է առնվում ազատ մրցակցային դաշտի պայմաններում եկամուտները անհատների միջև ոչ թե ըստ պահանջմունքների, այլ ըստ կատարած աշխատանքի բաշխման սկզբունքը, ինչպես նաև բոլորի համար համահավասար տնտեսական ակտիվ գործունեության պայմանների ապահովումը:
- բարեկեցությունը բերում է շրջակա միջավայրի խստագույնս պահպանման, որն իր հերթին տնտեսական աճի որակական բարելավման խնդիրն է լուծում:

Բավականին հետաքրքիր և ուշագրավ է արևմտյան զարգացած արդյունաբերական երկրների հասարակությունների բարեկեցության բարելավման, զարգացմանը վերաբերող գերմանացի հասարակագետներ Դիտեր Նոհլենի և Ֆրանց Նուշելերի «կախարդական հնգանկյուն» մոդելի ներկայացումը (գծապատկեր 2.)<sup>2</sup>: Համակարգի կենտրոնում տեղավորելով հավասարությունն ու արդարությունը, նրանք, որպես հիմնական տարրեր, շեշտադրում են տնտեսական աճը, աշխատանքը, հասարակության ակտիվ մասնակցությունը տնտեսաբաղադրական կյանքին ու անկախությունը: Մոդելը էապես արտահայտում է այդ երկրների տնտեսական, քաղաքական, սոցիալական և ժողովրդավարական ենթահամակարգերի բարձր աստիճանը: Այն միանշանակ պարզաբանում է նաև հասարակության բարեկեցության բարելավմանն ուղղված քաղաքական, տնտեսական որոշումների ընդունման հիմնախնդիրների լուծումների միջավայրերը:



Գծապատկեր 2. Նոհլեն-Նուշելերի «կախարդական հնգանկյուն» մոդելը

Այլ կերպ՝ կախարդական հնգանկյունը համակարգ է, որտեղ ամեն մի տարր իր ծանրակշիռ դերն ունի ընդհանուր համակարգի դինամիկ կառավարման գործընթացում: Բնական է, որ տնտեսական, քաղաքական դաշտում առանց հասարակության մասնակցության, բոլորի կողմից ակտիվ աշխատանքի, նյութական և ընդհանուր անկախության ու զուգահեռ տնտեսական աճի, անհնար է համակարգի գործունեությունը: Կիսելով վերը նշված հեղինակների կարծիքը՝ միաժամանակ կարևոր ենք դիտում հավասարության, արդարության համակարգող դերը: Այսպես կոչված՝ անցումային երկրների փորձը ցույց է տալիս, որ թեև առկա է տնտեսական աճ, ձևավորված են ժողովրդավարական ինստիտուտներ, առկա է անհատների և ընդհանուր երկրի ֆիզիկական և նյութական անկախություն, այնուամենայնիվ հավասարության և արդարության բացակայությունը արգելակում է հասարակության զարգացումը՝ ի վերջո բարեկեցության բարելավումը:

Տնտեսական քաղաքականության արդյունավետ կառավարումը որոշ գիտնականներ հնարավոր են գտնում մի շարք հիմնախնդիրների լուծման միջոցով:

Օրինակ՝ կարևորվում է քաղաքական դաշտում խորհրդատուների ինստիտուտի գործունեությունը<sup>3</sup>: Ընդ որում, հիմնական մոտեցումները երկուսն են.

- կիրառվող տնտեսական քաղաքականության միջոցառումներում պետք է բացահայտվեն տեսականորեն և էմպիրիկ հիմնավորված վերլուծությունները: Կարճատև և երկարատև ազդեցությունների ուսումնասիրումը և միջազգայնացումը անհրաժեշտություն է:
- տնտեսական քաղաքականության ստուգում. արդյոք այն տրամաբանության, նպատակների արդարության և կարգավորման նորմերի շրջանակներում է, թե՞ առկա են սխալներ և շեղումներ, որոնք իրենց աճով խոչընդոտում են ճիշտ տնտեսական զարգացմանը:

Այս համատեքստում սոցիոլոգներ Կիրիլազեսները, Պոպերսը կարևորում են տնտեսական քաղաքականության ձևավորմանն օժանդակող խորհրդատվության ինստիտուտների նկատմամբ բարձր պահանջների թելադրումը, որը հանգեցնում է գիտական խորհրդատվության հավաստիությանը և քաղաքական ու տնտեսական մտքի նկատմամբ հարգանքի<sup>4</sup>:

<sup>1</sup> Հեղինակները դա տեսնում են սոցիալական պետության կարգավորման մեխանիզմների միջոցով՝

համերաշխության (solidarprinzip-կոլեկտիվ ապահովություն) և սուբսիդարության կամ իրավական նորմերի օժանդակ բնութագրային (subsidiaritätsprinzip- անհատական պատասխանատվություն և ինքնապահովում) սկզբունքներով. տես Dönges J., Freytag A. Allgemeine Wirtschaftspolitik: Lucius und Lucius, 2001. s.4.

<sup>2</sup> Dieter Nohlen, Franz Nuscheler. Handbuch der Dritten Welt Bd. 2, Bonn: Dietz, 1995

<sup>3</sup> Giersch H., Allgemeine Wirtschaftspolitik: Grundlagen, Koeln, 1961.

<sup>4</sup> Kirchgeßner G., Wirtschaftspolitische Beratung aus der Sicht des kritischen Rationalismus, Karl Popers kritischer Rationalismus, Tuebingen, 1999. s 193-225.

Ֆրեյտագը նախապատվություն է տալիս խորհրդատվության բարձր որակին և այն համարում արտադրության գործընթացի վերջին փուլ՝ տեսական մտքեր, էմպիրիկ ստուգումներ և խորհրդատվություն<sup>1</sup>:

Քննարկման առարկա է մասնաշաղկապային իրականության մեջ այս կամ այն հիմնավորված տնտեսական մտքի, գաղափարի կամ կարծիքի հաշվի առնելը՝ տնտեսական գաղափարները պետք է ընդունվեն<sup>2</sup> այս կամ այն քաղաքական ուժի կողմից, թե՞ արհամարհվեն<sup>3</sup>: Այս հակասությունը դեռ 1936-ին հիմնավորում է Ջոն Բեյնսը. տնտեսագետների գաղափարները կվերապրեն քաղաքագետներին<sup>4</sup>: Այսինքն, տեսականորեն հիմնավորված, էմպիրիկ կանխապահովված և որպես գիտելիք՝ ինստիտուցիոնալ իրավիճակին համապատասխան տնտեսական միտքը լավագույն հնարավորությունն ունի ժամանակի ընացքում դառնալու քաղաքական արժեք:

Տնտեսագիտության մեջ մինչ 1980-ականների վերջերը քննարկման խնդիր էր վերլուծություններում, հետազոտություններում աշխարհայացքի, կարծիքի ազատության վերաբերյալ մոտեցումները<sup>5</sup>: Այդ քննարկումները սկիզբ են առել 1930-ականներից, շարունակվել 1950-60-ականներին և հատկապես ակտիվացել 1970-ականներին:

Հիմնականում դրանք երկու տարբեր՝ գիտականորեն հիմնավորված դիրքորոշումներ են: Առաջինը քննադատ ռացիոնալիստներն են՝ Մաքս Վեբեր, Կարլ Պոպերը և ուրշներ, որոնք գիտակցությունը ընդունում են որպես ճանաչողության ու մարդկանց վարքի հիմք, ձգտումների և նպատակաուղղվածության աղբյուր<sup>6</sup>:

Պոպերն իր ավելի ուշ աշխատություններում զարգացրեց գիտական ճանաչողության չափանիշների մշակումը և մոտադրելով՝ լրացուցիչ չափանիշ հիմնավորեց տեսության գիտականությունը, եթե այն սկզբունքորեն մերժվում է փորձով<sup>7</sup>:

Երկրորդ խումբը կազմում են դիալեկտիկական դիրքորոշումը ներկայացնող Ֆրանկֆուրտյան դպրոցի ներկայացուցիչները՝ Յուրգեն Հեբերմասը, Մաքս Հորկհայմերը, Թեոդոր Ադորնոն և ուրիշները: Վերջիններս գտնում են, որ 1960-70-ականների հասարակությունը վերածվել է մոնոլիտ ոչ դասակարգային տոտալիտար համակարգի, որտեղ նրա վերածնունդը, զարգացումը կատարվում է տարբեր սոցիալական խմբերի, համակարգերի, մշակույթների սահմաններում գտնվող, շրջապատից դուրս մարդկանց կամ մարզինալ խմբերի միջոցով<sup>8</sup>: Հեբերմասը նշում է, որ ժամանակակից հասարակությունը սոցիալ-քաղաքական կառուցվածք է, տեխնոկրատ և գոյատևում է տեղեկատվական համակարգերի սխալ ներկայացմամբ և թելադրվող սպառման կուլտի միջոցով<sup>9</sup>:

Նման փիլիսոփայական մոտեցումները հանգեցրել են տնտեսագիտության հասկացության տեսականորեն մեկնաբանման տարանջատմանը՝ դրականի և նորմատիվայինի<sup>10</sup>:

Տնտեսական քաղաքականության տեսությունների իդեալական տարբերակն այն է, երբ տնտեսագետը պարզաբանում է՝ որն է խնդիրը, կանխատեսում այն, նշում ինչ կլինի և ամեն մի իրավիճակի համար ինչպիսի քաղաքական որոշում կարելի է կայացնել՝ և ինչպիսին կլինի տնտեսական հետևանքը: Թե ինչ պետք է անել՝ քաղաքագետների որոշման խնդիրն է: Այս մոտեցումը անվանվում է դրական (positiv) տնտեսագիտություն<sup>11</sup> (օրինակ՝ մակրոէկոնոմիկայում դասականը, քեյնսականությունը, նոր դասականը իր արդյունավետ սպասումներով, նոր քեյնսական տեսությունները): Այն գրականությունում հայտնի է մաս «լինել» հասկացությամբ<sup>12</sup>:

Հակառակ սրան, նորմատիվային (normativ) տնտեսագիտությունը նշում է, թե ինչ պետք է անել և ընկալվում «պետք է լինի» հասկացությամբ: Վերջինիս ալգորիթմը հետևյալն է.

- հիմնախնդրի շրջանակներում նպատակների համակարգի հիմնավորում,
- հիմնավորված, նպատակներին կողմնորոշված գործիքների մեխանիզմների հստակեցում,
- հիմնարար և ընդգրկուն կանխատեսման իրականացում,
- պայմանները, որոնց շրջանակներում պետք է կատարվեն դեպի տնտեսական քաղաքականությունը կողմնորոշված ապագա ցուցումներ, անհրաժեշտ է դասակարգել և անպատճառ նկատի ունենալ անորոշությունը,
- կանխորոշումները և անձնական կարծիքները ընդգրկվում են որպես սուբյեկտիվ գնահատականներ:

Այս համակարգի իրականացման ընթացքում կարևորվում է տնտեսական քաղաքականությունն իրականացնող սուբյեկտների ակնկալումներն ու սպասումները կանխատեսման համակարգի միջոցով: Այդ համակարգում ամերիկացի գիտնականներ Մուտն ու Շեֆրինը տնտեսական սուբյեկտների սպասումները և ակնկալումները տարանջատում են ռացիոնալի, ադապտիվայինի և ստատիկի<sup>13</sup>: Առաջինի դեպքում ապագա ամբողջ տեղեկատվությունը, տեսական մոդելավորման մոտեցումները և այլն քննարկվում և վերլուծվում են մանրամասնորեն: Ադապտիվայինի ժամանակ տնտեսական սուբյեկտները վերցնում են նախորդ ժամանակահատվածներում եղած փորձն ու տեսական գիտելիքները: Եվ վերջապես, երրորդ դեպքում դրանք տարրական արտարկումներն են:

<sup>1</sup> Freytag A. Ueberwindung des Reformstaus durch Verbesserung der Politikberatung? Baden-Baden, 1998. s.348-360

<sup>2</sup> Donges J., Freytag A. Allgemeine Wirtschaftspolitik: Lucius und Lucius, 2001. s.25-26.

<sup>3</sup> Keynes J. The General Theory of Employment, Interest and Money. London. 1936.

<sup>4</sup> Donges J., Freytag A. Allgemeine Wirtschaftspolitik: Lucius und Lucius, 2001. s.30.

<sup>5</sup> Вебер М. Протестантская этика и дух капитализма. — М., 2003.

<sup>6</sup> Поппер К. Логика и рост научного знания. М.: Прогресс, 1983, www.wikipedia.org

<sup>7</sup> Horkheimer M., Adorno T., Dialektik der Aufklaerung, 1969, www.wikipedia.org.

<sup>8</sup> Habermas. Jurgen Theorie der Kommunikativen Handelns. Zur Kritik der funktionalistischen Vernunft 2. Bde. 3, durch. Aufl. Frankfurt am Main: Suhrkamp Verlag, 1985,

<sup>9</sup> Komer H. Theoretische Grundlagen der Wirtschaftspolitik. Koeln. 1977.

<sup>10</sup> Նման ձևակերպում կարելի է նկատել. Donges J., Freytag A. Allgemeine Wirtschaftspolitik: Lucius und Lucius, 2001. s.30-31.

<sup>11</sup> Giersch H., Allgemeine Wirtschaftspolitik: Grundlagen, Koeln, 1961

<sup>12</sup> Muth J., Rational Expectations and the Theoty of Price Movements, Econometrica, 1961., Sheffrin S. Rational Expectations, Cambrige. 1983.

Բնական է, որ ռացիոնալ ակնկալումների ժամանակ իր ուրույն դերակատարությունն ունի կանխատեսումը: Սակայն անորոշության պայմաններում հեռանկարային կանխատեսումը մնում է քննարկման առարկա: Հետքորթական և տրամաբանական է Ռոբերտ Լուկասի մոտեցումը, ըստ որի, էկոնոմետրիկ մոդելի կառուցվածքը իր մեջ ընդգրկում է տնտեսական սուբյեկտի օպտիմալ որոշումը: Վերջինս ժամանակի ընթացքում էականորեն ու պարբերաբար փոփոխվում է՝ հանգեցնելով տնտեսական քաղաքականության փոփոխմանը մոյսպես: Եվ բնական է, որ ցանկացած տնտեսական քաղաքականության փոփոխություն հանգեցնում է ընդհանուր մոդելի կառուցվածքի փոփոխմանը<sup>1</sup>:

Գիտականորեն հիմնավորված տեսական տնտեսական քաղաքականությունը վերահաստատվում է պրագմատիկի կամ կիրառականի պրակտիկայում:

Վերջին տասնամյակների տնտեսագիտական գրականությունում կարելի է նկատել տնտեսագիտության տեսությունների տարանջատումը երեք մասի՝ դասակարգող (որոշակիացնող), պարզաբանող և տրամաբանող:

Պարզաբանող տեսությունների խնդիրն է բացատրել իրականությունում առկա ֆենոմենն ու դրա պատճառը և հնարավոր ունիվերսալ հիպոթեզների օգնությամբ բացատրել այն: Վերջիններս պետք է քննարկումների և փորձի արդյունքում հստակեցվեն: Որպեսզի պարզաբանող տեսությունները իրականացնեն իրենց գործառնությունը, անհրաժեշտ է վերլուծության առարկայի միջոցով տարանջատել հիմնական հասկացություններն ու կառուցվածքային բաժանումները և հստակեցնել ուսումնասիրման տարբեր տեսանկյունները:

Այսպիսի անցումը կամ ալոքրիթմը միավորվում է նախորդող դասակարգող կամ որոշակիացնող տեսությունների հետ: Վերջիններս ձևավորում են տեղեկատվության ժամանակահատվածը, նախագծում նպատակային սխեման և պարբերաբար ներկայացնում տնտեսագիտական վերլուծության գործիքները՝ իրենց համապատասխան իրականացման սկզբունքներով:

Տրամաբանական որոշումների տեսությունները աջակցում են պարզաբանող տեսություններին վերլուծության օբյեկտի իրական գործունեության և դրանց միջև փոխադարձ կապի հետազոտման նպատակով: Օբյեկտի գործունեության և միջավայրի հետ նրա արդյունավետ փոխհարաբերության վերաբերյալ հիպոթեզների օգնությամբ մոդելային համակարգերի միջոցով բացահայտվում են վարքի ու դրա փոփոխությունների տրամաբանական հետևանքները:

Հստակ է, որ տնտեսական քաղաքականություն մշակելիս կամ իրականացնելիս այս երեք ուղղություններն էլ հանդես են գալիս միասնական և կարևորագույն դերակատարություն ունեն:

Տեսական տնտեսական քաղաքականությունում առկա են մասնական առարկաների զարգացման հետևանքով հանդես եկող ինչպես էնդոգեն գործառնություններ, այնպես էլ արտաքին՝ հատկապես վարվող, կիրառվող տնտեսական քաղաքականությամբ առաջ եկող էքզոգեն հիմնախնդիրներ:

Այսպիսով, տնտեսական քաղաքականության տեսական մասը կիրառականին կարող է օգնել՝ արդյունավետ և նպատակները կողմնորոշված քաղաքականություն ձևավորելիս, եթե.

- առկա է իրականությանը համապատասխան իրավիճակային վերլուծություն, ինչպես նաև բացահայտվել են տնտեսական հիմնախնդիրները, և կանխատեսելի են հնարավորները,
- բացահայտվել են ոչ տեսանելի նպատակները (խմբերի հետաքրքրություններ, քաղաքական նպատակներ),
- ի հայտ են բերվել նպատակների հակադրությունը տնտեսական քաղաքականության ներսում կամ կոնֆլիկտայնությունը ընդհանուր հասարակության քաղաքականության նպատակների հետ,
- ձևավորվել է միասնական առարկայական գործիքներ և մեխանիզմներ,
- ստեղծվել է կոորդինացիոն մեխանիզմներ և ընդգծված են աջակցող հաղորդակցման միջոցները,
- վերահսկվել է մեխանիզմների, գործիքների կայուն միասնական համակարգը, և բացահայտվել է համակարգի շեղումների հնարավոր աստիճանը՝ ըստ համապատասխան գործիքների,
- մշակվել են տնտեսական-քաղաքական միջոցների համար օպտիմալ և ըստ ճիշտ ժամանակահատվածի ազդեցության գործնականորեն կիրառելի չափանիշներ,
- հստակեցվել է այլընտրանքային տնտեսական միջոցառումների համակարգում ջանք-շահ կամ ծախս-օգուտ համեմատությունը,
- իրականացվել է տնտեսական քաղաքականության հայեցակարգի և կիրառվող տնտեսական քաղաքականության միջև համեմատում, և շեղումների դեպքում կիրառվող քաղաքականությունը բերվել է համատեղության տնտեսական քաղաքականության իրականությանը:

Տնտեսական քաղաքականության տեսությունների համար խնդիր է նաև անհատների համար տեսականորեն հիմնավորված և էմպիրիկ քննարկված պատճառը (միկրոհարթություն) դեպի տնտեսական քաղաքականություն (մակրոհարթություն) տեղափոխելը: Սամուելսոնը և Նորդհաուզի այն անվանում են «սխալ տեղափոխում» (fallacy of composition)<sup>2</sup>: Խաղերի տեսությունում տնտեսագետները հակված են այս սխալմունքը կրկնելու, երբ որպես խաղացողներ են վերցնում հասարակությունն ու պետությունը: Խոսքը նրանումն է, որ կառավարությունը ձևավորում է ռազմավարություն, որի իրականացումը կարող է չընդգրկել լայն հասարակության հետաքրքրությունները:

Եվ վերջապես, կոնկրետ տնտեսական քաղաքականության հարցադրումներին պետք է փաստերով պատասխանել: Տնտեսական քաղաքականությունը տալիս է այս հարցերի պատասխանը և դրա համար էլ առկա են տարբեր՝ կարգավորման, գործազրկության, սղաճի, տնտեսական աճի, արտաքին տնտեսական կապերի, փոխանակության և այլ տեսություններ: Սակայն անհրաժեշտություն է տնտեսական քաղաքակա-

<sup>1</sup> Lukas R., econometric Policy Evaluation: A Critique, Journal of Monetary Economics, Suppl. I., 1977.

<sup>2</sup> Samuelson P., Nordhaus W. Economics., Singapur. 1985. s.8.

նության վերլուծման ժամանակ այդ տեսությունների «դետալացումը»: Ընդ որում, հիփոթեզներ, որոնք սկզբունքորեն քննարկման ենթակա չեն, և հիպոթեզներ, որոնք կարող են քննարկվել<sup>1</sup>:

Ներկայիս եվրոպական տնտեսական քաղաքականության ընկալման և քննարկման օրյեկտներն են, տնտեսության կարգավորումը, դրա կառուցվածքը և ընդհանուր տնտեսական գործընթացները, որոնք իրականացվում են համապատասխան քաղաքականություններով՝ կարգավորման, կառուցվածքային և կոնյունկտուրային:

Պետերսը իր հերթին տնտեսական քաղաքականության ձևեր է նշում տեսականն ու վարվողը, ընդ որում, վերջինս բաժանելով կիրառականի և պրագմատիկի:

Սակայն վարվող տնտեսական քաղաքականության փորձը ցույց է տվել, որ այն կարելի է բաժանել մասնաճյուղի և կանոնակարգված տնտեսական քաղաքականությունների, ինչը նույն Պետերսը վերահաստատում է իր ավելի ուշ հրատարակությունում<sup>2</sup>:

Առաջինի առավելությունն է արագ և հիմնախնդիրը կողմնորոշված որոշումների կայացումը: Սակայն առկա է մասնատվածությունը՝ դրա հետևանքով առաջացող այլ հիմնախնդիրների առաջացումը և դրանց բարդությունը:

Բնական է, որ կանոնակարգված տնտեսական քաղաքականության պարագայում առավելություններն ավելին են: Սակայն չպետք է մոռանալ մասնաճյուղի պայմանների հետևանքով ազատ տնտեսական քաղաքականության «պարտադրված» ընդունումը կամ երկուսի միասնական կիրառումը:

Հարկ է նկատել, որ սկսած 1960-70-ականներից և առավելապես 90-ականներին տնտեսագիտական գրականությունում հստակեցվում է տնտեսական քաղաքականության տարանջատումը երկու մասի:

Գերմանացի տնտեսագետ Հերբերտ Գիերշը նկատում է. տնտեսական քաղաքականությունը իր բովանդակությամբ մշակույթ է՝ կարգավորման և գործընթացային հարթություններով<sup>3</sup>: Կարգավորման հարթությունում ձևավորվում են մարդկանց գործունեության պայմանների կանոններն ու նորմերը: Վերջինիս համապատասխանում է կարգավորման քաղաքականությունը: Որոշ գիտնականներ նորմատիվային տնտեսագիտության տեսակետից (պետք է լինի) դեռ քննարկում են, իրականության հետ գործունեության օպտիմալ սահմանների կամ պայմանների համապատասխանության հարցը<sup>4</sup>:

Գործընթացային հարթության կարևորությունն է տնտեսական գործընթացի բերվող արդյունքների (պետք է լինի) համեմատումը իրականության (լինել) հետ:

1990-ականների վերջերին Ստեփան Վոյգտը ամբողջացնում է և փորձում տնտեսական քաղաքականությունը որպես մշակույթ շրջանակներում ապրոքսիմացնելու «պետք է լինի» և «լինել» հասկացությունները՝ հաստատելով մախորդների տարանջատումը:

Աղյուսակ 1.

«Պետք է լինի» և «լինել» վերլուծությունները տնտեսական քաղաքականությունը որպես մշակույթ տեսանկյունից ըստ Վոյգտի<sup>5</sup>

|                           | Նորմատիվային վերլուծություն (պետք է լինի)                     | Դրական վերլուծություն (լինել)                                              | Տնտեսական քաղաքականությունը որպես մշակույթ                                                                 |
|---------------------------|---------------------------------------------------------------|----------------------------------------------------------------------------|------------------------------------------------------------------------------------------------------------|
| Կարգավորման հարթություն   | Կարգավորման տնտեսագիտություն                                  | Միջազգային կարգավորում<br><br>Պետական համակարգի անկայունության կարգավորում | Տնտեսական կարգավորման քաղաքականություն<br><br>Առաջարկի քաղաքականություն<br><br>Ռեֆորմների տնտեսագիտություն |
| Գործընթացային հարթություն | Արտադրության օպտիմալ արդյունավետության հաղթահարման տեսություն | Ըուկայի տատանումների կարգավորում                                           | Գործընթացային քաղաքականություն (կառուցվածքային) Պահանջարկի քաղաքականություն                                |

Վոյգտի համակարգը միասնականացնում է գիտնականների վերջին ժամանակահատվածի գնահատականները և մոտեցումները:

Վերլուծությունից կարելի է եզրակացնել. տնտեսական քաղաքականությունն իրականացվում է, երբ՝

1. շուկան ոչ լիարժեք է և առկա է կարգավորման անհրաժեշտություն, որն իր հերթին տեղի է ունենում, երբ՝
  - միջավայրի պայմանները և տվյալները չեն համապատասխանում (օրինակ՝ մասնավոր սեփականության իրավունքը) և կիրառելի է կարգավորման քաղաքականությունը (քննադատականության քաղաքականության որոշ մասը նույնպես),

<sup>1</sup> Վերջինս գրականությունում անվանում են մասնաճյուղի չափանիշներ, տես. Kirchgessner G., Wirtschaftspolitische Beratung aus der Sicht des kritischen Rationalismus, Karl Popers kritischer Rationalismus, Tuebingen, 1999. s. 193-225.

<sup>2</sup> Peters Hans-Rudolf. Wirtschaftssystemtheorie und Allgemeine Ordnungspolitik, Oldenbourg, 2002.

<sup>3</sup> Giersch H., Allgemeine Wirtschaftspolitik: Grundlagen, Koeln, 1961. s.27.

<sup>4</sup> Peters Hans-Rudolf. Wirtschaftssystemtheorie und Allgemeine Ordnungspolitik, Oldenbourg, 2002 Donges J., Freytag A. Allgemeine Wirtschaftspolitik: Lucius und Lucius, 2001. s.30-3.

<sup>5</sup> Voigt S. Die konstitutionelle Ökonomik als Herausforderung für die Theorie der Wirtschaftspolitik-zugleich eine Skizze zur Weiterentwicklung einer ökonomischen Theorie der Verfassung, 1996.

- շուկան դանդաղ է շարժվում դեպի հավասարակշռությունը և կիրառելի են կայունության, գործընթացային, կոնյունկտուրային, կառուցվածքային, արտաքին տնտեսական քաղաքականությունները,
- 2. շուկայի գործունեության արդյունքները ցանկալից հեռու են (բաշխման քաղաքականություն, սոցիալական քաղաքականություն):

Մեր կարծիքով, արդյունավետ տնտեսական քաղաքականությունը պետք է պարզ և առանց հակասությունների հստակեցնի ընդհանուր հայեցակարգի շրջանակներում իր նպատակներն ու հիմնական կանոնները և ցանկացած միջոցը կողմնորոշի դեպի դրված նպատակների իրականացումը՝ հաշվի առնելով տարաբնույթ պայմանների արդյունքում նպատակների վրա ազդող գործոններն ու գործիքները: Վերջինս էլ հիմնավորվում է տնտեսական քաղաքականության ռազմավարական կառավարման փիլիսոփայությունը:

## ԱՐՏԱՎԱՋԴ ԹԱԴԵՎՈՍՅԱՆ

ՀՀ ԳԱԱ Մ.Քոբանյանի անվան տնտեսագիտության  
ինստիտուտի առաջատար գիտաշխատող, տ.գ.թ. դոցենտ

## ՏՆՏԵՍԱԿԱՆ ԶԱՂԱՔԱԿԱՆՈՒԹՅԱՆ ՆՊԱՏԱԿՆԵՐԻ ԵՎ ԳՈՐԾԻՔԱՎԱՋՍԻ ՄԵԿՆԱԲԱՆՄԱՆ ՇՈՒՐՋ

Շուրջ երկու տասնամյակ է, ինչ ակտիվ քննարկումներ են ընթանում Հայաստանում իրականացվող տնտեսական քաղաքականության, դրա ուղղվածության, նպատակների և կիրառվող գործիքակազմի վերաբերյալ: Ու թեև 2003-2004 թվականներից սկսած առավել մեծ ուշադրություն է հատկացվում բարեփոխումների սոցիալական տեսանկյուն ենթադրող հարցերին, այնուամենայնիվ, ընդհանուր համատեքստից դուրս է մնում գլխավոր նպատակը՝ հասարակության բարեկեցության բարելավումը:

Սմիթի, Ռիկարդոյի, Մարքսի, Վերերի, Օյկենի, Հայեկի և այլ տնտեսագետների հայեցության մեջ ժողովրդի բարեկեցությունը հոմանիշ է «ընդհանուր բարեկեցություն» հասկացությանը: Այն իր մեջ պարունակել է տարբեր ենթատեքստեր, ընդ որում, առավել փոխկապակցված տնտեսական ազատության հետ:

Ինչպես Ադամ Սմիթի «անտեսանելի ձեռքը», այնպես էլ Վալտեր Օյկենի և Ֆրիդրիխ Հայեկի աշխատություններում նկատելի են տնտեսական ազատության ինստիտուցիոնալ կարգավորման գաղափարները:

Հետադիմարդյան աշխատություններում և հատկապես Կարլ Մարքսի մոտ շեշտվում են բարեկեցության մեկ այլ բաղադրամաս՝ արդարությունն ու հավասարությունը:

Ավելի ուշ, Վիլֆրեդո Պարետոն հասարակական և տնտեսաքաղաքական նպատակների հստակեցման ժամանակ ուշադրություն է հրավիրում մրցակցային հարաբերությունների ազատության գաղափարախոսության վրա:

Արդի տնտեսագիտական միտքը հիմնավորում և խմբավորում է բարեկեցության հասանելու, դրանից բխող նպատակների կողմնորոշվածությունը և պարտադրված համաձայնեցումը դեպի հասարակության հիմնարար արժեքները՝ խաղաղությունը, ազատությունը, ընդհանուր հավասարությունը, անվտանգությունը, ապահովությունը և առաջընթացը<sup>1</sup>:

Հետաքրքրական է Պետերսի «բուրգը», որը հստակեցնում և իրատեսորեն ներկայացնում է տնտեսական քաղաքականության հիմնական, օժանդակ, ենթահամակարգային նպատակները որոշակի հարթություններում և որպես վերջնական նպատակ՝ դասակարգում հասարակության բարեկեցությունը (տես գծապատկեր 1)<sup>2</sup>:

Նույնը շեշտադրում են Դոնգեսը և Ֆրեյտադը՝ բարեկեցությունը դիտելով որպես նպատակների հիերարխիայի ամբողջացում<sup>3</sup>:

Տնտեսաքաղաքական գործիչների պատկերացումներն այն մասին, թե ինչն է քաղաքական տեսանկյունից ցանկալի կամ ինչ չափով այն պետք է լինի, սովորաբար տարբեր են:

Կախված կուսակցական-քաղաքական գունապնակից և կառավարության կազմից՝ այս կամ այն տնտեսաքաղաքական նպատակը, օրինակ տնտեսության աճը կամ կայունությունը, դիտվում է որպես առաջնահերթ: Նպատակների հիերարխիայի գոյության պատճառով միշտ չէ, որ հաջողվում է ստույգ պարզաբանել, թե խոսքը նպատակի՞ մասին է վերաբերում, թե՞ միջոցի. քանի որ նպատակը կրկին կարող է դիտվել որպես միջոց՝ մեկ այլ ավելի բարձր նպատակի համար: Այսպես, տնտեսական քաղաքականության մաս կազմող համարյա թե յուրաքանչյուր նպատակ կարող է դիտարկվել որպես նպատակների շղթայի մի օղակ: Հաշվի

<sup>1</sup> Stbu. Eucken W. Grundsätze der Wirtschaftspolitik. Tübingen. 1968., Giersch .H., Allgemeine Wirtschaftspolitik: Grundlagen, Wisbaden, 1961. Hermann A., Wirtschaftspolitik und Regierungssystem der Bundesrepublik Deutschland: eine Einführung.- Opladen: Leske + Budrich, 1995. Donges J., Freytad A. Allgemeine Wirtschaftspolitik: Lucius und Lucius, 2001. Peters Hans-Rudolf. Wirtschaftspolitik: Munchen, Wien, 2000, Weimann J. Wirtschaftspolitik: Allokation und kollektiv Entscheidungen, Springer 1996. Korner H. Theoretische Grundlagen der Wirtschaftspolitik. Koeln. 1977. Kirschen E. International vergleichende Wirtschaftspolitik-Versuch eine empirische Grundlegung. berlin 1967. Dieter Nohlen, Franz Nuscheler. Handbuch der Dritten Welt Bd. 2, Bonn: Dietz. 1995. Kirchgessner G., Wirtschaftspolitische Beratung aus der Sicht des kritischen Rationalismus, Karl Poppers kritischer Rationalismus, Tuebingen, 1999. Voigt S. Die konstitutionelle Ökonomik als Herausforderung für die Theorie der Wirtschaftspolitik-zugleich eine Skizze zur Weiterentwicklung einer ökonomischen Theori der Verfassung, 1996.

<sup>2</sup> Peters Hans-Rudolf. Wirtschaftspolitik: Munchen, Wien, 2000.

<sup>3</sup> Donges J., Freytad A. Allgemeine Wirtschaftspolitik: Lucius und Lucius, 2001.